



OPĆINSKO VIJEĆE

Broj: 06/1-31-909/13/VF
Ilijaš, 16.01.2014. godine

PRIJEDLOG

Općinsko vijeće na sjednici održanoj dana _____ 2014. godine rješavajući u predmetu utvrđivanja javnog interesa radi eksproprijacije zemljišta za izgradnju pristupnog puta, na osnovu člana 14. Zakona o eksproprijaciji ("Sl. novine FBiH", br. 70/07, 36/10, 25/12) i člana 200. Zakona o upravnom postupku ("Sl. novine FBiH" br. 2/98, 48/99), člana 55. prečišćenog teksta Statuta općine Ilijaš ("Službene novine Kantona Sarajevo", br. 20/09) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10), donosi

RJEŠENJE

I Utvrđuje se da je od javnog interesa izgradnja - proširenje pristupnog puta do greblja u Ljubnićima, i da se u tu svrhu može pristupiti potpunoj eksproprijaciji zemljišta označenog kao:

- k.č.br. 150/6 po kulturi šuma "Donja poda" u površini od 306 m²
- k.č.br. 149/6 po kulturi voćnjak "Donja poda" u površini od 91 m²
- k.č.br. 149/5 po kulturi voćnjak "Donja poda" u površini od 31 m²
- k.č.br. 149/4 po kulturi livada "Donja poda" u površini od 4 m² sve upisane u zk.ul.br. 112 K.O. SP_Ljubnici sa upisanim vlasništvom u zemljišnim knjigama u korist Zupur rođ. Lukić Angelina sa dijelom 1/3, Zupur Omilja Oleg malodobni sa dijelom 1/3, Zupur Omilja Sara malodobna sa dijelom 1/3.

II Korisnik eksproprijacije predmetnog zemljišta radi izgradnje pristupnog puta iz tačke I ovog rješenja je Općina Ilijaš.

Obrazloženje

Općinsko vijeće Općine Ilijaš na svojoj XVI i XVII sjednici donijela je zaključak kojim se zadužuje Općinski načelnik da predloži novu lokaciju kao trajno rješenje za ukop odnosno da nastavi aktivnosti oko rješavanja problema ukopa umrlih na predloženoj lokaciji zvanoj "Poda" vlasništvo Općine Ilijaš kao i da nastavi aktivnosti oko trajnog rješavanja ukopa umrlih na području Općine Ilijaš na lokaciji "Haluge".

Da bi se pristupilo realizaciji navedenog zaključka neophodno je obezbijediti pristupni put do predmetne parcele državne svojine koja je određena za greblje u Ljubnićima.

U postupku izgradnje i proširenja postojećeg asfaltnog puta došlo je do proširenja izgradnje pristupnog asfaltnog puta prema greblju (položene betonske cijevi, izgrađene

kaskade za odvod površinske vode sa izgrađenim betonskim šahtovima) na predmetnim parcelama.



OPĆINSKO VIJEĆE

Svojim zahtjevom Zupur Oleg obratio se svojim zahtjevom ovoj Službi za palaćanje naknade na ime zemljišta na kojem je došlo do proširenja asfaltnog puta kao i izgradnje odnosno polaganja betonskih odvodnih cijevi, izgradnje kaskade za odvod površinskih voda zajedno sa šahtovima obzirom da su vlasnici predmetnog zemljišta.

Postupajući po zahtjevu izvršeno je potrebno mjerenje, cijepanje predmetnog zemljišta i da bi pristupili plaćanju naknade tj. donošenja rješenja o potpunoj eksproprijaciji predmetnog zemljišta neophodno je utvrditi javni interes za proširenje postojećeg asfaltnog puta.

Razmatrajući prijedlog Općinsko vijeće je utvrdilo da je od javnog interesa proširenje postojećeg asfaltnog puta prema novootvorenom greblju u Ljubnićima te da se može pristupiti potpunoj eksproprijaciji predmetnog zemljišta iz tačke I navedenog rješenja, te je odlučeno kao u dispozitivu ovog rješenja.

Kako su se u konkretnom slučaju stekli uslovi iz člana 14. Zakona o eksproprijaciji, to je odlučeno kao u dispozitivu rješenja.

Protiv ovog rješenja ne može se izjaviti žalba ali se može uložiti tužba i pokrenuti Upravni spor kod Kantonalnog suda u Sarajevu u roku od 30 dana od dana prijema ovoga rješenja. Tužba se predaje u dva istovjetna primjerka, a uz istu se prilaže rješenje u originalu ili prepisu, taksirana sa 100,00 KM po Tarifnom broju 23. Zakona o sudskim taksama ("Sl. novine Kantona Sarajevo" br; 21/09, 22/10).

DOSTAVLJENO

1. Općina Ilijaš
2. Arhiva

PREDSJEDAVAJUĆI OPĆINSKOG VIJEĆA

Damir Filipović, s.r.